



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Vitis Aqvilonia seu Vitæ Sanctorvm Qvi Scandinaviam
Magnam Arctoi Orbis Peninsvlam Ac præsertim Regna
Gothorum Sueonumq[ue] olim rebus gestis illustrarunt**

Vastovius, Johannes

Coloniæ Agrippinæ, Anno M.DC.XXIII.

Brynolphus Episcopus Scaren. C.

urn:nbn:de:hbz:466:1-38534

S. BRYNOLPHVS EPISCO-
PVS SCARENSIS FLORVIT
ANNO CHRISTI 1317.

IOANNE XXII. Pontifice.

FRIDERICO III. Imperatore.

BIRGERO II. Rege.

BRYNOLPHVS Patre Algotho Sture Legifero Vestrogothiae ex illustri Folkungorum stirpe oriundus duo de viginti annis Parisiis maxima cum laude operam litteris dedit. Ex hac opulenta studiorum messe in patriam reuersus Ecclesiastico ordini adscriptus est & in primis Canonatu Scarenensi, dehinc Decanatu Lincopenfi exornatus; atque non multo post vniuerso populo expetente in Episcopum Scarensem electus. Quo in munere ut erat omni genere doctrinae ac pietatis instructissimus, multos in vinea Domini labores libens sustinuit atque eximia sanctitatis opera edidit. Grauis ei aliquando cum Rege Magno Ladlos inciderat controversia eoque processerat res stimulantibus Regis animi seditionis quibusdam satellitibus ut Episcopus hostis Regius decerneretur, & ad mortem sapius quaereretur. Sed postquam Rex multis argumentis eius non fucata sed solida deprehendisset sanctimoniam & vitae integritatem probasset, ipso die Assumptionis Beatae Virginis sacris solennibus Praefatis interesse voluit, quibus peractis depositis à se satellitibusque suis omnibus armis ad pedes altaris ac Praefatis prostratus supplex scelerati propositi veniam impetrauit; moxque in arcem Regiam inuitatum ne fide simulataque fidei suspicio animo cuiuspiam amplius insidere posset, prandio excepit aliaque humanitatis & benevolentiae signa exhibuit luculentissima Episcopo. Et cum in dies maiora pro Ecclesia Dei patriaeque salute aggrediretur, tandem felici cursum vitae praesentem consummauit Octauo Idus Februarii anno 1317. cum sedisset in Episcopatu annos 38. miraculis in vita & post mortem clarus sanctorum numero dignissime adscriptus in concilio Constantinensi, V. Cal. Maii anno 1416. Canonizationem illius sollicitè constanterque perurgente Erico XII. Sueonum Rege totoque Regni Senatu. Ad eius sepulchrum Scaris D. Brigitam orationi deditam suauissimus aliquando afflauit odor. Quo tempore eidem in spiritu raptæ B. virgo cum S. Brynolpho sese spectandos praebuere ac prior Deipara. Scito inquit filia quod hic, quem cernis, Episcopus, dum viueret insigniter me honorauit, & honorem obsequii confirmauit. Cuius vita quam filio meo grata extiterit velle hoc odore quem persensisti coniungere licet. Nunc autem licet animae eiusdem in conspectu Dei sit, tamen corpus eius iacet hic in terra sine honore nec

S. Brynolphus Parisiis 18. annos in literarum studiis posuit. Redux in ecclesiasticum ordinem adscribitur.

In Episcopum Scarensem à populo expetitur.

Eius cum Rege controuersia.

Rex eum deprehendit innocentem.

Veniam à sacrificante deprecatur.

A Rege prandio humaniter excipitur.

Obiit miraculis clarus.

In Diuorum numerum adscribitur.

Eius sanctitas diuinitus S. Brigitae reuelatur.

S. Brynolphus viuens Dei matrem insigniter honorauit.

Corpus eius sine honore iacere B. V. queritur.

H pro di-

Lau- cumula-
ta S. Brynolphi.

pro dignitate tanta margarita mihi dilecta locum habet. Deinde filio ait: Sic seruus tuus o fili quamdiu inter mortales vixit, fuit in fide sancta stabilis, quem nec infregit aduersitas nec inclinauit voluntas: fuit & flexibilis ad voluntatem tuam sicut aer mobilis, quocumq; cum impetus spiritus tui traxit: Fuit insuper in charitate tua ardens quasi ignis calefaciens frigidos & consumens iniquos. Nunc autem anima eius tecum est in gloria cuius receptaculum depressum est & in humiliori loco quam deceat iacet. Precor fili mi, da corpori eius locum sublimiorem; honora illud, quod te pro modulo suo honorauit; exalta illud quod te labore suo quo potuit apud homines exaltauit. Cui filius. Benedicta es mater mea, quæ tam studiose accuras amicorum tuorum honorem. Non conuenit vt Saphyrus membra conseruans sana & corroborans infirma ponatur in luto, vel vt cæcis accendatur lumen. Iste quidem homo sicut in fide fuit stabilis & in charitate feruidus sicut & in continentia optime fuit ad voluntatem meam dispositus propterea sapuit mihi, sicut cibus optimus, optime decoctus in omni patientia & tribulatione. Dulcis deniq; & bonus in bona voluntate & effectu melior in conatu & virili progressu optimus & dulcissimus in laudabili consummatione. Propterea non decet vt inter lupos tam præstans delitescat esca, quorum cupiditas nescit satietatem, quorum auuiditas floribus virtutum non saturatur, sed carnibus putridis ingurgitatur; quorum vox omnibus nociua. Fuit etiã tanquam lumen positum super candelabrum per omnem mandatorum meorum executionem, per bonæ vitæ doctrinam per quam munivit stantes ne caderent, eleuauit cadentes, posteros etiam ad me excitauit. Hoc lumen indigni videre sunt amore obcæcati noxio, hoc lumen discernere nesciunt albugine superbiæ infecti: ideo priusquam in conspectum prodeat iustum est vt illi qui immundi sunt purgentur, & qui cæci sunt, illuminentur.

Christus S.
Brynolphi lau-
des approbat.

Hæc ex cap. 30. lib. 2. Reuelat. S. Brig. & c. 118. extract. desumpsimus: vita enim eius nondam ad manus nostras peruenit. De eo Ioan. Mag. lib. 20. Hist. Goth. c. 7. & 24. Olau. Mag. lib. 16. Hist. c. 29. & alij scriptores rerum Sueticarum quorum nonnulli transitum eius ad annum 1314. referunt. Ericus Vbalsensis in sua Hist. obijisse eum asserit anno 1316. Quinque Scris Ecclesiastica fundauit dotauitque ex hereditariis bonis beneficia, & vitas S. AEschli et D. Helena conscripsit, quas videre nobis hucusque non contigit. Constat tamen ex Chron. Episcoporum Scaren. ita euenisse vt D. Brigitta in visione illa reuelatum fuit. Nam 80. post annis, ossa eius ab altero eiusdem nominis atque etiam vita amulo Brynolphi Episcopo Scaren. è tumulo subleuata atque condigno collocata fuisse loco.

GERE-